
TENTAMEN MEDICUM

INAUGURALE,

DE

D Y S P E P S I A.

TENTAMEN MEDICUM

INAUGURALE,

DE

D Y S P E P S I A.

QUOD,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S. S. T. P

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI Consensu,

Et Nobilissimæ FACULTATIS MEDICÆ Decreto,

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS,

RITE ET LEGITIME CONSEQUENDIS;

ERUDITORUM EXAMINI SUBJICIT

JOANNES BREHIER,

G A L L U S.

Ad diem 12 Septembris, hora locoque solitis.

EDINBURGI:

CUM PRIVILEGIO.

TYPIS GEORGII MUDIE ET FILII.

1797.

PRÆCEPTORIBUS SUIS

HONORATISSIMIS,

JOSEPHO BLACK,

ALEXANDRO MONRO,

FRANCISCO HOME,

JACOBO GREGORY,

DANIELI RUTHERFORD,

ANDREÆ DUNCAN,

THOMÆ CAROLO HOPE,

HOC OPUSCULUM,

GRATITUDINIS ET OBSERVANTIÆ

TESTIMONIUM,

SACRUM VULT

A U C T O R.

NECNON

PERDILECTIS CONCIVIBUS

PETRO POIRIER, M. D.

ATQUE

LUDOVICO MARIE JOLY,

HUIC, PROPTER CARORUM PARENTUM

VITAM SERVATAM,

ISTI, PROPTER SINCERAM,

QUA ILLUM

DIGNATUS EST,

AMICITIAM,

HANC DISSERTATIONEM

OFFERT

AUCTOR.

TENTAMEN MEDICUM

INAUGURALE,

DE

D Y S P E P S I A.

JOANNE BREHIER, AUCTORE.

QUO de meis, in arte hippocratica, progressibus constiterit, tentamen inaugurale editurus, res fructus uberiores quærendas esse ratus sum, licet minus ornatae speciei. De Dyspepsia ideo scribam, morborum certe, inter cultu et artibus emollitas gentes, frequentissimo, multisque morbis nec artis auxilio, nec naturæ viribus debellandis originem dante; cujus, in-

super, investigando causas et remedia, tum quæ sanis convenient diæta, corporis exercitatio, animi passiones; tum quæ imbecillis, inquirere debui, attentusque inquisivi, humiles sed utiles labores præferens superbæ eruditionis ostentationi: veteres pompose citasse parvi facio.

Quæ meæ provinciæ feci, quam elucidatissime potero, sequenti ordine evolvam; *1mo*, De morbi definitione dicam; *2do*, De historia; *3tio*, De diagnosi; *4to*, De causis; *5to*, De prognosi; *6to*, De consiliis medendi.

DEFINITIO.

DYSPEPSIAM idiopathicam sic recte definiebat Cullenus: “ Anorexia, nausea, vomitus, inflatio, ructus, ruminatio, cardialgia, gastrodynia, pauciora saltem vel plura horum simul concurrentia, plerumque cum alvo adstricta et sine alio vel ventriculi ipsius, vel aliarum
“ partium

“ partium morbo ;” nunquam enim hæcce ad-
erunt symptomata quin adfuerit Dyspepsia,
viciffimque, muneri exequendo, fi impar factus
fuerit ventriculus, illa expectanda erunt, quæ-
dam faltem ex ipsis, ni de levibus istis affectioni-
bus agatur quas indicabit lingua fordida cujus-
damve in epigaftrio ponderis fenfus.

Minus bene a multis nofologis totidem mor-
borum genera annumerata fuerunt anorexia,
naufea, gaftrodynia, cardialgia, ructus, rumina-
tio ; haud dubium enim eft quin hæc omnia,
ab eadem ventriculi affectione, nunc unum,
nunc alterum, fint oritura. Multum, omnibus
qui ante fe fcripferunt, antecelluit Cullenus,
hæc omnia, unius morbi symptomata, diverfas
formas induere amantis, haberi dum voluit.
Dyspepsiam quidem in fuæ nofologiæ generibus
difpofuit Vogelius, fed nullis fignis, quibus dig-
nofcatur, definitam.

HISTORIA MORBI.

Hujus morbi historiæ scribendæ, sufficientem vix fore Æsculapium ipsum credimus.

Haud secus ac animalcula hæc ephemera observatorum sedulam attentionem deludentia, nunc vix attenditur, adeo celeriter transit; nunc autem a primis incunabulis, usque ad longioris vitæ extremum, miseros illos torquebit quibus immeritam transmiserint labem vitiis onusti parentes vel quos debilitarint exfucca ubera nutricumve incuria.

Nulla est corporis functio quam identidem non perturbavit imbecillus ventriculus; quam constanter, nulla. Plerumque functiones sat bene exercebit cor, sæpe elanguet, palpitabit haud raro, neque, si syncope supervenerit, mireris. Spiritum plerumque bene trahunt dy-

peptici

peptici et efflant, haud pauci, asthmate, dyspnoea, tussi laborabunt. Multis perpetuo arefcunt fauces, multis perpetuo defluit faliva; multi super cibis naufeant, multi fat bene appetunt; plerique alvum tardiozem incufant; haud rari alvo folutiori debilitantur. Innumeros macros videris, obefos innumeros. Quidam illæfum retinent guftum, quibusdam omnia amara. Nunc aures tinniunt, nunc odores percipiuntur ingrati. Vifus adeo ftupendæ narrantur affectiones, ut nullam fibi conciliaffent fidem ni ab integerrimis referrentur auctõribus, Sauvagefio, Celeb. Prof. Gregory.

Mentis vero functiones, nec non ab iis adeo pendentes voluntarios motus, constantius lædi certum eft. Qui per longum tempus, diro crudelis hujufce morbi imperio fubjecti fuerint, nullos repereris ftrenuos, agiles; pauciffimos quorum non deprimatur animus, mentalesque facultates non langueant; quod autem mirum eft.

est, hos molestissimos effectus, haud raro, primi producent morbi impetus.

Incaussum, historiæ conscribendæ causa, auxilium petemus a diversorum investigatione morborum quibus conjungi hic morbus amat, Cephalææ, Hysteriæ, Amenorrhœæ, Menorrhagiæ, Colicæ, Tympanitidis, Anasarcæ, Ephidrosis, Diabetis, Ischuriæ, Polysarcia, &c. sæpe horum omnium, quantumvis inter se discrepantium; vel causa esse poterit, vel effectus, vel comes.

Uno verbo, historiam proteiformis Dyspepsiæ scribant solertiores. Viribus imparem me fateor. Quin imo illam vix possibilem esse judico. Nulla definita duratio, nulli definiti violentiæ gradus. Nulla affectio constans; confusionem vero adaugebit variabilis successio symptomatum.

DIAGNOSIS.

DIAGNOSIS.

MAXIMO cum probabilitatis gradu, a quolibet morbo Dyspepsiam distinguemus.

1mo, Atonica podagra plerumque cum doloribus artuum lenibus, fugacibus, alternat; ratio insuper habenda ætatis; vitæ, quod præcessit, generis; præcedentium affectionum; con sanguineorum morborum; temperamenti denique.

2do, In Dyspepsia organici vitii symptomatice, idem fere dolor, eidem semper affixus erit loco, eodem, post cibos assumptos, temporis intervallo, plerumque sentitus. Lucem afferet de præcedentibus morbis inquisitio, gastritide, enteritide, &c. haud raro dubia solvet tactu partium exploratio.

3tio, Gastritidem quam erysipelatofam dicere
amavit

amavit Cullenus, comitatur pyrexia. Dyspepti-
cicis amicissima sunt lenia acria, vinum rubrum,
finapis, &c. quæ protinus rejiciet gastritide
laborans ventriculus. Dolorem in gastritide
adaugebit pressio, inflammationem indicabit
lingua rubra erysipelatosufve faucium rubor.

4to, Dolores a calculo felleo cui haud descen-
sus patet Dyspepsiam sæpe mentientur, quos
tamen non præcefferint solitæ pravæ digestionis
causæ. Eandem, præterea, sedem semper oc-
cupabunt, nec absorbentibus deglutitis leva-
buntur, nec opio, effectu saltem duraturo, sub-
igentur. Litem dirimeret sola icteri præsentia,
ni, identidem, a spasmo intestini duodeni pro-
cederet; quo raro in casu, difficilem esse diag-
nosim fatendum.

5to, Cum hepatitide chronica, ut pote reme-
dia adeo diversa postulante, ne confundatur pe-
riculum majus. Hepatitide laborantes, mane,
post mensam, Dyspepticos, affliget vomitus.

Citius

Citius hepatidem insequentur hydropici affectus, certius icterus nigritiesve quædam. Hepar affectum monstrabunt nigræ fæces, horrenda somnia, constantes hypochondrii dextri dolores, dolor humeri dextri pressione inductus. Quinetiam, cum hæc omnia desiderabuntur, hepar affectum suspicari licebit, acutæ hepatitidi antea si subjectus fuerit æger, vel vitam in Indiis, præcipue orientalibus, degerit.

6to, In Pyrosi fat regulares observantur paroxyfmi, præcipue matutinis horis vacuoque ventriculo, quos excipit humoris aquei, plerumque insipidi, eructatio; durante pyrosis paroxyfmo, dolorem adauget erectus corporis situs.

7mo, Ab incipiente phthisi fat facile distinguetur Dyspepsia. Phthificorum enim tussicula vomitum præcedit, frigore exacerbatur; cum autem, quod sæpe evenit, uterque aderit morbus, nulla diagnosi expectanda.

8vo, Facile a tabe distinctio fiet propter febris hæcticæ præsentiam in tabidis: ad minimum valde dubia sunt, quæ decantantur exempla Dyspepticorum febre hæctica absumptorum.

Utrum Dyspepsiæ semper symptomatica sit hypochondriasis, haud auisim determinare. Rem autem ita sæpe esse nemo dubitabit qui, quam arctus sit cerebrum inter et ventriculum consensus, semel tantum perpenderit.

Infausto nuntio prævisove infortunio, mens cum deprimitur, languebit appetitus; super cibis nauseabimus quos deglutitos evomemus, vel intolerandi sentietur ponderis sensus; vice versa, languorem ventriculi excipient Cephalæa, aurium tinnitus, visus depravatio, animi dejectio, &c. Male igitur se simul habent cerebrum et ventriculus: Bene quoque se simul habent. Peroptato favore exhilarati illiusve obtinendi certa spe exultantes, cibos copiosiores deglutimus melius concoquendos. Haud raro infortuniorum

niorum inter pateras obliviscimur. Lugere, ejulare definimus post hilarata multo vino convivia; Si plus æquo mens excitetur, plus æquo excitabitur ventriculus. A maniacis ultra modum appetitur, sic ab iratis; vice versa, si nimis stimuletur ventriculus, nimis irritari cerebrum, exemplo sunt frequentiori rixis delectantes ebriosi. Famis aculeos obtundunt intensæ cogitationes, ventriculique functionum feriatiorem inducunt, haud secus ac functionum cerebri feriatiorem inducit quamdam, graviori onere ingemens ventriculus. Uno verbo talis est inter utrumque organum consensus ut animæ sedem in cardia reposuerint quidam.

Neque est cur objiciatur haud hypochondriaci laborare qui temperamento sunt sanguineo, nec juvenes, nec infantes. Licet enim haud æquo pede pulset, nemo securus. Melancholicis vero, majus indubie imminet periculum de suis affectionibus a primo mane usque ad vesperam cogitantibus ideoque deprimentium passionum jugo

continuo submissis. Quorum autem ad alia objecta trahitur attentio, hos raro affligit hypochondriasis, vix in infantibus observata, quibus ad omnia versatilem curiositatem largita est benevola natura; in juvenibus, velut mare irrequietis, novisque, five veneris, five gloriæ, stimulis, excitatis; in temperamento sanguineo gaudentibus, mores juveniles vel nunquam, vel tardius, deponentibus.

C A U S Æ,

PRÆDISPONENTES.

DYSPEPSIÆ causam occasionalem, cum raris quibusdam vicibus, nullam licuerit observare, certam, a debilitatis parentibus, hæreditari proclivitatem, suspicioni locus est. Num autem proclivitas illa differat ab infirmitate generali, haud minorem, multis aliis morbis, prædispositionem dante, dubius hæreo.

Temperamentum

Temperamentum fanguineum, propter liberiores humorum motum, secretiones copiosas et excretiones quibus insignitur, minime omnium obnoxium erit. Indubie majori versabuntur in periculo melancholici quibus lente admodum circulat fanguis, hic autem crassior, si multas fides; male insuper sedentaria delectantur vita. Maxime omnium proclives reddit phlegmaticos, debilis, laxa, quam receperunt, compages; vasa fanguinifera parva et infirma, nil præter secretiones paucas et lentas efficere valebunt. De cholericis temperamento medium, ut-pote, tenente, fanguineum inter et melancholicum, haud verbum faciam.

Nulli vitæ studio concessa fuit immunitas. Multum exponentur infantes, quos, a naturæ semitis remotos, pravo more nutrierint parentes. Levissimus error tenerrima organa lædat, necesse. Multo quoque periculo objicientur exsuccis fenes stimulis, eheu! sæpe necessariis, ventriculi torporem, adaugentes.

Fœminis languidior est motus peristalticus quemadmodum ac omnes functiones, a vi musculari, præcipue pendentes. Symptomaticam præterea dyspepsiam generabunt varii quos inducet uterus morbi, cito in idiopathicam transi- turam. Sæpius autem, quam sexum, vitæ, quod degunt genus, redargueris. Altiori in ordine natæ, vitam multifarie sanitati adversam vivunt, otiosam, sedentariam; male se calidis conclavibus continent; perniciosissima utuntur diæta; vix denique nocentio- rem vivendi nor- mam infensus imperaret hostis. Plebeias, ex adverso, dura premunt famulatus officia; nunc calore anhelant, nunc frigore contremiscunt, laboribus, vel vires superantibus, vel sexui pa- rum convenientibus, damnatæ.

Æstate corpora relaxantur; minor fibris mus- cularibus vigor adest; languidior ergo erit san- guinis circulatio, perspiratio minor, debiliores ideo secretiones. Minori ergo robore pollebunt digestionis organa. Minima, durante hyeme,

Dyspepsiæ

Dyspepsiæ proclivitas, nisi corpus aeri frigido humido exponatur.

OCCASIONALES.

DYSPEPSIÆ causa vix non semper in aperto erit, si iis quæ directe vel indirecte digestionis organa lædere possunt, attendatur.

I. Quæ directe agunt causæ sunt sequentes.

A, Unnaturales ingestiones, five quantitate five qualitate nocentes.

Haud dubium quin ventriculi musculares fibræ, nimia ingestorum copia longius distentæ paralyticum quemdam statum sint affecuturæ, haud fecus ac muscoli abdominis post partus quosdam, vasa sanguinifera post aneurismata, intestina flatibus distenta. Ventriculum insuper lædent

lædent nimiaë ingestiones, quem malis fordibus gravabunt.

Quanta autem ciborum quantitas tali in effectu producendo, velut causa Dyspepsiæ recensenda fit, determinabunt ætas, regio, exercitii genus, &c. Plures, quam vulgo creditur, peccare per excessum hic obiter notabo: multaque exempla posteris annales medicinæ tradent, quàm pauca alimenta vitæ et sanitati sustentandis requirantur, commonstrantia.

Valde diversi generis alteram extare causam lugentes fatemur. Multi vitæ necessariis orbantur misere; longius contracti ventriculi fibræ rigidæ fient, distensionis stimulo rebelles in posterum futuræ; contracta vascula succum gastricum, vel nimis parcum, vel vitiatum fecernent.

Sæpius vero propter pravas qualitates nocent bunt ingesta. Solis ut vegetabilibus vesceretur

homo non voluisse naturam probant et canalis alimentarii incisio anatomica et dentium forma. Carnium esum haud esse sapientiæ adversum, ut veteres somniabant quidam, sed utriusque cibi commixtione, et morbos præcaveri, et robur corpori conciliari, docuit experientia. Ergo ex utroque regno cibi depromantur. Sed male sibi consulentes homines multa deglutire amarunt, quæ nunquam, ut communi forent in usu, concesserat natura.

E vegetabilium classe illa tantummodo ut alimenta adhibenda fuerunt quæ certam mucilaginis glutinifve quantitatem contineant. Quotidie autem hisce qualitatibus carentia thea, coffea, amara, aromata, narcotica, acida, abunde ingeruntur quæ insuper noxiis qualitatibus pollent.

Theam, Coffeam, haud innoxia reputaveris quorum usu debilitabitur ventriculus eundem stimulum infeliciter desideraturus; nec merito,

calidos potus, solum mali fontem, incusaremus. Haud æqualiter enim lædent diversæ aliæ calidæ potationes, etsi multum damni afferant; varie insuper agunt in diversos, tum variæ theæ species, tum plus minusve fortes infusiones.

Amara citiorem ventriculo labem afferent, apud multos veneni suspitione minime carentia, quippe quæ Cephalæam, vertiginem, exanthemata, &c. in quibusdam constitutionibus inducant, quantula deglutiantur quantitate.

'Certioris adhuc veneni, opii, nefandum usum merito conqueruntur hodierni medici. Multos haud minus lædet nicotiana, five cum saliva deglutiatur, five a naribus descenderit.

Aromata, licet minus præcedentibus exitiosa, innumeros nihilominus fecerunt Dyspepticos, tum unnaturaliter ventriculum stimulando, tum ad immoderatas ingurgitationes alliciendo.

Acida,

Acida, propter vires sedantes, si liberius affumantur, haud parum nocebunt.

Utrum in victu animali feligendo, hocce modo errare potuerint homines ut venenum pro cibo captarent, forsan dubitari potest; sed male sanæ existimandæ sunt putrefactæ carnes; prava arte illas fumo, salibus, &c. induramus; prava arte naturæ dona, ut ita dicam, vitiamus, caseum, v. g. butyrum e lacte exprimendo, animalia faginando, edulibus oleosa miscendo. Nocebit ex adverso omnem artem neglexisse. Carnes crudas, ut pote tenacioris texturæ, devorandi mos multum redarguendus.

Quam longius autem a naturæ via recessit homo, cum sibi, crudeli solertia, lethiferos potus comparavit! aquam puram despectui habens cibus diluendis aptissimam, nec non salinis particulis dissolvendis, nullo infuper labore comparandam, multis laboribus, multis expensis, fermentatione, destillatione potus unnaturali

stimulo nocentes, fibris muscularibus torporem inducentes, ideoque ventriculo perquam adversos, obtinuit, ac eheu! illorum usu lædi amavit.

Hæc omnia quantum noceant ingeniose expressit celebris auctor sequentibus verbis: “ videtur sapientissimus omnium rerum administrator, *efficacissimum vitæ filo rescindendo instrumentum*, animalium carnes, vinum, et deinceps invenienda luxus irritamenta grataque venena obduratis vitiati generis humani affectibus indulgisse.”

B, Unnaturalis alimenta deglutiendi modus, haud minus directe, digestionis organa lædet.

Dentibus ut dividerentur, discerperentur, comminuerentur cibi, voluit natura. Quanti fit momenti ista mechanica divisio ingeniosa probant clari viri Spallanzani experimenta. Nec

obscura

obscura ratio; multum divisos cibos citius ac certius penetrabit succus gastricus.

Alterum autem alimentis vitium inducet masticationis defectus. Qua tunc cibi carent saliva, multum infervit. Hujus utilitatem demonstrant et abundantior, dum masticatio fit, secretio; inceptæ in œsophago solutiones; feliciores infantum digestiones, dum fugunt; anorexia illam expuentibus familiaris. Merito igitur laudaverunt cel. Buffon aliique multi, nutricum morem pultim prius propria saliva madefaciendi, quam infantibus detur; quem morem, etiam quædam animalia bruta docuit haud in errorem ducens instinctus.

C, Motuum perturbatio, five ventriculi, five alius cujuslibet partis canalis alimentarii, perniciosissimos post se trahit effectus.

De ruminatione nil dicam, rara quippe; haud tamen, si frequens, quolibet periculo vacante.

Certiozem

Certiores autem inferet labem pravus evomendi habitus cui multi male obsequuntur, sibi ægrotandum esse somniantes ni sæpe ad emeticas potiones recurrant, stulto qui, ne pluvia maderet, in flumen se præcipitem dabat, vix sapientiores. Stomachum æque debilitabunt vomitus spontaneos inducentes aliarum partium morbi.

Alvi tarditatis pœnas meriti luent quos, naturæ postulatis ne auscultent, indolentia, segnitie pudorve prohibuerint. Tali tarditati retenti flatus, artiumve quarumdam praxis, cum quis incurvo trunco laborare tenetur, debilitatem inducendo, haud parum favebunt. Feliciter puellarum abdominalia viscera comprimendi, sub speciosioris corporis habitus acquirendi prætextu, ridiculus obsolevit mos.

Intestina catharticis frequentibus affueta soliti stimuli, amplius, ut par est, excitare nequibunt, ideoque ut torpor iste vincatur,

ad idem remedium, magis ac magis nociturum, repetitis vicibus, confugiendum erit. Sæpe torporis loco, multo nequior aderit irritabilitas, cujuslibet stimuli impatiens.

II. De causis indirecte agentibus, quo major est ventriculi, præ aliis organis, cum cerebro, cute, quin imo toto systemate, consensus, eo potentioribus, nunc breviter dicam.

A, Corporeis annumeretur sedentaria indolensque vita, languentem post se trahens circulationem, languentes ideo secretiones omnes et excretiones. Nec majus dubium erit de nocivis caloris effectibus, frigidive, præsertim humidi, quod indubitato superficiem corporis inter et ventriculum, referas consensui quem invicte probant, tum amarorum ingurgitatio exanthemata producens, tum pulvis Doveri adeo copiosos eliciens sudores, tum a Sydenhamo elicitum sudorem, vomitus compescendi gratia, &c. Quæ totius corporis vires infirmarunt

firmarunt nimiae evacuationes, hæmorrhagiæ, menorrhagiæ, veneris immodicus usus, &c. haud raro incusanda erunt.

B, Præ omnibus forsan ventriculo pertimescendæ erunt mentales affectiones. Omnes quæ deprimunt passiones corpus mœsto semianime efficiunt; modo vero speciali digestionis perturbant opus. His quæ supra, ut ventriculum et cerebrum consentientia ostenderem, scripsi, hic breviter addere liceat, vix non semper mentem ab anxietatibus prius liberari quam solitas vires recuperaverit stomachus.

CAUSA PROXIMA.

DYSPEPSIÆ causam proximam, immerito, ni fallor, in succi gastrici defectu solo vel vitio reposerunt quidam. Quomodo enim concoctiones infaustus nuntius subito turbaret? Num mentis pathemata jam secretum succum, nec non effusum, vel expellent vel vitiabunt? Num, musculo-

farum

farum partium debilitatis si simul ratio haberetur, felicius explanarentur morbi symptomata? causam vero proximam perfecte attingi non posse mihi in mentem subit, quin prius reliquorum viscerum chylo-poieticorum usus, plenius intellexerint phyiologi.

PROGNOSIS.

DEBILITATE quam inducit Dyspepsia, quidam e medio sublatis sunt; rara autem adeo sunt ejusmodi exempla ut vix unquam lethifer existimandus sit morbus; morborum vero, ætati, sexui, priorum, reformidandam catervam post se trahere amabit, certoque certius, ni cito subigatur, trahet. Tota ergo prognosis circa morbi durationem unice versabitur, circa quam interrogatus medicus attendat, *imo, Ætati:* Infantibus naturæ commissis, majores sunt quam vulgo creditur convalescendi fortes; senibus autem, qua proportione vires deperdunt, minores.

nones. *2do*, Sexui: Dyspepticæ enim fœminæ, uterinis affectionibus Dyspepsiæ adaugendæ aptioribus, plerumque subjiciuntur. *3tio*, Violentiæ symptomatum: Cum quis adeo debilis est ut vix pedem movere possit, ingestave fere omnia evomat, minus certe sperandum. *4to*, Tempestati regionique: Ventriculo enim inimicus erit relaxans calor; haud minus aer frigidohumidus. *5to*, Causis: Malum est si e toto eliminari nequeant. *6to*, Animi fortitudini: Medici opprobrium erunt quibus, spe omni destitutis, atra mortis imago continuo oculis obversabitur.

RATIO MEDENDI.

TRIA nobis sese offerunt consilia quorum, *1mum* est, Potentias nocentes remove, *2dum*, Debilitato ventriculo cibos convenientes seligere, *3tium*, Amissum ventriculo vigorem restituere. Quam

divisionem

divisionem haud fat esse logicæ regulis accommodatam fatemur.

CONSILIUM PRIMUM.

DE causis occasionalibus quas quam primum removendas esse apud omnes convenit, nil incumbit dicendum. Hic prudentiam quamdam, in illis removendis, requiri, tantummodo notabo. Cum quis mutare aliquid volet, paulatim debet affuescere. Non nisi gradatim affuetis stimulis stomachum orbaveris, nec enim manum adustam subito ex igne in glaciem bene transtuleris.

Alterum vero est potentiarum nocentium genus, morbi nempe symptomata morbum adaugentia.

Vomitus sistendi exploretur causa. Male remorantes cruditates expellat medicus, nec non, quantum fieri potuerit, cathartorum ope.

Motui enim peristaltico inimica sunt emetica, haud tamen, si nimis soluta fit alvus, temnenda. Tutior est antimonialibus præparationibus ipecacuanha; haud raro floribus chamæmeli, finapi, &c. optati obtinebuntur effectus. Multum boni a vomitione maritima, si in promptu sit, expectandum. Cum vero ab irritabilitate nimia orientur vomitus, illos caute præscriptum opium mire sedabit; sæpe haud minus certe vesicatorio, haustu effervescenti, potione frigida, aquis spirituosis destillatis, lavendulæ, menthæ, &c. componentur. Quolibet autem e fonte hæcce motus peristaltici oriatur subversio, illi potenter obsistent clysmata, præcipue cum opio, potentius vero cathartica, melius, si sub forma pilularum dentur, retinenda.

Nausea plerumque nonnisi violentia a vomitu differt. Licet autem identidem a peculiari nervorum affectione oriri videatur, iisdem, ac vomitus, subigetur remediis.

Alvum tardiolem sæpe sæpius queruntur Dyspeptici, citra dubium cathartici movendam vel clysmatibus, quidquid adverfus hæc, nimis verecundus scripserit Vanhelfmontius. Multum quoque proderit aperiente diæta uti, nec non ftatis horis, alvi dejectionem moliri.

Diarrhæam, fi ex acribus ingeftis oriatur, plerumque naturæ effe committendam exiftimamus. Raro cathartica requirentur. Cum autem ab inteflinorum debilitate oriatur, tunc variis ftimulantibus conjungantur opium, gummi quædam, kino præcipue vel catechu; quæ tamen feorfim dari poffunt. Ab aciditate nimia oriundam diarrhæam fiftat creta.

Ex flatibus ftomachum inteflinaque diftendentibus, crebri funt Dyspeptici dolores, quibus fublevandis apud multos, fpecifici titulo gaudent multa ex umbelliferarum claſſe femina, carvi, anifi, &c. Haud modicæ virtutis reperientur ether, alkohol. Non fine periculo
flatus

flatus hosce spontaneis eructationibus expellere tentaret æger. Multi, hoc modo, aerem atmosphæricum intra stomachum trahentes, malum adauxerunt.

Cardialgiam ex aciditatibus forsan semper oriundam, præ omnibus levabunt absorbentes terræ, creta vel magnesia, prout alvus soluta astricta ve fuerit, seligendæ. Magna quoque vi, in tali causa destruenda, pollere dicuntur aromata, majori vero, amara. Sæpe illis obtundendis oleosæ mucilaginosæve potiones sufficient. Citius autem cessabunt dolores, si narcotica eodem tempore adhibeantur.

Gastrodyniam, quam ventriculi spasmodicam affectionem esse, vix dubium, optimo cum successu antispasmodicis debellaveris, opio, ethere, emplastris epispasticis, &c. neque negligantur alkalinae terræ, aciditatem, si qua sit, correcturæ.

CONSILIUM SECUNDUM.

DEBILITATO ventriculo convenientes feligendi cibi, morbi violentiæ, ægrotantis ætati, temperamento, habitibus, quin etiam idiosyncrasiæ attendendo. Brevitati vero consulens, paucas tantummodo regulas generales tradam.

Ex vegetabilium classe, illa ut cibi affumantur quæ minime ad acescendum proclivia sint, bonus panis fermentatus, beta, pastinaca, carota, porrum, &c. vel igne destruaturs ista nociva proclivitas qua feliciter carent cocta poma, pyri, pruni, &c. bonam diætam dabunt quæ maxime mucilagine glutineve abundaverint, frumentum, fago, oryza, battata, saccharinæque substantiæ. Circa quæ tamen observatu dignum est, farinosa omnia quæ præcedenti fermentatione haud subacta fuerint,

rint, nimium futura esse, plerisque Dyspepticis, onus. Periculo vacabunt quæ tenerrimæ sunt texturæ cauliflor, asparagus, &c. procul autem a debiliū mensis exulent quæ tenacia sunt. Vix arte ulla secura reddentur brassica, fabæ, pisa, &c. postquam plenam maturitatem attigerint. Minime tuta erunt acetaria, nec non quæcumque cruda ingesta fuerint. Succo gastrico haud solventur oleosa ideoque ventriculum gravabunt.

Ætate provectiorum animalium carnes, majori salium quantitate stimulant, præ juniorum, solutu faciles esse ingeniosis constat experimentis. Quadrupedia volatilibus, quidquid opponat vulgi opinio, præferenda; castrata non castratis antecellunt; nec non, domesticis, quæ feram degerunt vitam; item macra pinguedinosis. Suspectas habeant imbecilli aquatiles aves haud secus ac omne piscium genus quibus rubræ subrubræve sunt carnes.

De animali cibo notandum, illas teneriora alimenta præstituras esse carnes quæ, aliquantulo tempore ante esum servatæ fuerint, minori exercitio induratæ. Modice tantum, ni propter pravum habitum moverint nauseam, concoquantur.

De ovis nil habeo quod dicam. Valde nutriunt facillimeque solventur si forbilia deglutiantur.

Lac plerique fat bene digerunt. Oleosum minus est quod ab animalibus non ruminantibus præbetur. De omni lacte verum est illam partem esse aquosiorum quæ prius a mamma obtenta fuerit, ideoque debili stomacho accommodatiorum.

Cujuslibet generis cibi, simplicissima forma dyspepticis administrantur; mera coctione præparati. Mala erunt condimenta quælibet; mala olei butyrive admixtio præcipue si ad

statum rancidum tranſiverint. Tutiores debilibus erunt e vegetabilibus deprompti cibi, infirmatis organis facilius in chylum convertendi, quorum tamen parcos uſus ſæpe imperabunt præcedentes habitus, nimiave ad aciditates tendentia, majorem ciborum animalium quantitatem poſtulans. Plurimas ciborum varietates commixiſſe pœnitebit dyspepticos; tales enim commixtiones fermentationi proniores ſunt quam ſuccus gaſtricus, vel deſiciens, vel vitiatus, minime coercebit.

Sat inutiliter de potu multa dicerem. Illi, præ reliquis, laudibus commendandi erunt liquores qui minus contineant alkohol. Cautè tamen affuetis detrahendi validi potus. Illi vitentur quos ad aceſcendum proclives experientia conſtiterit. Quod vitium, præ omnibus inducet ſacchari ſuccique limonum admixtio. Num tale vitium ſufficienter corrigitur in valentiſſima Londinenſi cereviſia?

Plurima

Plurima alia circa diætam inquirenda forent.

Quota diei hora melius affumentur cibi? num tuta erit plena cœna? num frequentes debent esse mensæ? &c. Sed jam longior fui ideoque ad ultimum consilium propero.

CONSILIUM TERTIUM.

AMISSÆ ventriculo restituendæ vires.

I. Magni momenti erunt multa stomachum immediate afficientia remedia. Illius torpentes excitabunt fibras diversa stimulantia: Inter amara elucent gentiana, chamæmelus; inter refinosa, aloë, myrrha; inter aromata cinnamomum, piper, mentha, lavendula, &c.

Multum quoque erit expectandum ab usu corticis peruviani, radicis colombæ, angusturæ, &c. in quibus diversarum qualitatum commixtionem reperire est, amarorem, astringens

principium et aroma. Multas laudes merentur ferri præparaciones.

Horum omnium sat noti sunt boni effectus. Semper a medico sub forma illa præscribantur quæ simplicissima erit; sæpe enim, habitus Dyspepsia haud minus periculosos induxit tincturarum usus; memoria insuper teneatur haud paucis nocuisse longiori tempore deglutita amara.

Circa tempus quo hæc stimulantia dari debeant, apud omnes convenit illa melius efficaciam suam fortitura, ante mensam assumpta.

Succum gastricum ex aliorum animalium stomacho obtentum multum laudant Itali medici. Quosnam effectus producat, propria experientia haud constat. Tale vero remedium a natura minime fuisse intentum, non pauca suadent.

II. Frustra, Dyspepsiæ curandæ causa, pharmacopolarum evacuabuntur officinæ: Sola illa remedia perfectam sanitatem reddent quæ in totum systema egerint.

A, Ex iis quædam afficiunt corpus, inter quæ habeatur frigus. Num robore pollent qui septentrionales habitant plagas? num major, durante hyemæ, appetitus? multum ergo sibi nocent qui adeo incredibili cura frigidum aerem vitant. Num sub inimico cælo nati sumus?

Optimum frigoris applicandi modum balneum frigidum existimaveris, magis quam ejusdem temperaturæ aer, nervos stimulans, fibras musculares constringens, liberiores sanguinis circulationem promovens. Quantum ideo digestionem inferviat nemo non videt. Cum fieri potuerit, in aquam maritimam descensum præscribat medicus; ex tali enim balneo magis sperantes ægri magis obtinebunt, minus autem

salinis particulis debebunt quam propriæ spei et in obsequendo fidelitati.

Cujuslibet momenti fit lavatio frigida aliufve frigoris applicandi modus, majoris adhuc erit exercitatio. Juxta ingeniosum Menenii Agrippæ apologum, languebit necessario stomachus ni labore artuum sustentetur. Cur exercitii vix unquam comes Dyspepsia? Quodnam discrimen rusticas puellas inter ac urbanas? quodnam inter infantes quibus membrâ movendi licentiam sapientes concedunt nutrices, ac eos qui, ut ita dicam, angustis vinculis coarctantur. Num debiliora fuerunt animalia domestica cibos propriis viribus comparare haud amplius coacta? num languent plantæ quæ ventis non agitantur? Uno verbo adeo efficax est in Dyspepsia arcenda curandave exercitatio ut omnes fere hujusce morbi causas, et multoties, et conjunctim applicatas, irritas reddat, omniumque remediorum sæpe locum teneat; ex adverso autem solus exercitationis

citationis defectus certo certius aut Dyspepsiam inducet aut jam inductam insanabilem reddet, ut sæpe in nosocomiis observatur.

Exercitationis modum et gradus determinabunt ægrotantis ætas, sexus, vires, &c. Illa anteponatur quæ magis placebit quæque sub pleno jove fiet; nunquam ad defatigationem producat.

B, Mentis quoque in Dyspepsia curanda habenda ratio. *1mo*, Omnibus quæ deprimunt pathematibus subripiatur æger. Quoniam autem affectiones animi nullis sunt medicabiles herbis, in auxilium vocentur amici, parentes, &c. *2do*, Quantum fieri potuerit, animam excitatura concedantur, gratæ lectiones, musica, saltatio, &c. uno verbo quæcumque gratam, nec minus salutarem hilaritatem generare apta sint.

Innumeras quibus hocce tentamen scædatur
maculas

maculas condonate, indulgentissimi judices.
Mente, quæso, revolvatis breve temporis spa-
tium, quo medicinæ studio incubui, minime
curis, mœroribus anxietatibusve fuisse va-
cuum.

Valete. Cito per dilectæ patriæ reddar, vos
ibi, laudibus, honore, nec non grato animo,
quamdiu vixerim, profecuturus.

